











S. VIII. 33.



17  
LACRUMÆ ARDENTISSIMÆ

Fusæ

Ob Funus

Immaturum & præposterum

*Ornatissimi ac Doctissimi Juvenis*

HENRICI SCHWEDERI

Colbergensis Pomerani, Illustris Pædagogij

Stetinenſis Studioſi,

Viri

*Honestissimi omniumq; virtutum luce ac splendore  
eminentissimi*

DN. GEORGII SCHWEDERI,

Civis & Mercatoris apud Colbergenses

& primarij & industrij

Filij dilectissimi,

*Extincti 19. d. Augusti, sepulti verò 21. Ejusdem*

ANNO

Epochæ Christianæ

M DC XXXVII.

---

STETINI, Typis GEORGII GOETSCHII.





Ingenij spes magna, decus juvenile studentum,  
SWEDERE heu! moriens occidis ante diem.  
Spes melior fuerat de te mihi: namq; docebas  
Haftenus ingenua dexteritate Meos.

Exemplar pietatis eras virtutis imago,  
Præluens teneris mentibus ante, fide.  
Sed cadis heu! medio in cursu: tam lubrica spes est,  
In nullo quæ stat certa tenaxq; loco.  
Hæc vitæ humanæ ratio est, hæc conditio.  
Nascitur, ut tanquam flos moriatur HOMO.  
Ergo jam lachrymas suspendite quas parentres  
Non totus, studijs qui est operatus, obit.  
Vivit enim restans etiam post funera virtus,  
Et vivet digna laude beatus homo.  
Tempus erit quando nigris revocatus ab umbris  
Complexus vestros ipse tenebit ovans:  
Liber ab exitio quovis à crimine liber  
Indutus cœli candidiore stolâ.

*D. Daniel Cramerius, hospes defuncti.*

**S**pes tu quas nobis, SCHWEDERE, huc usq; parasti!  
Quam nihil ad vulgi es sœtus habere modum!  
Ingenium acre tibi Numen concesserat: Ipse  
Ingenium augebas sedulitate, fide.  
Indole cum docili certabant cura laborq;  
Possesse & velle dabant pectore vota probè.  
At eheu juvenile decus pulchellèq; nostri  
Gymnasijs flos cur concidis ante diem?  
Spes nostras tumultu tantas vis condere? Tanta  
Sperantes fallis fallere non solitus?  
Sed quid agas, teneo: Cura est Academia Cœli:  
Hanc petis, ingenio hæc dignaq; sola tuo est.

*Non*



*Non equidem invidéo: grator magis atq; cohortor:  
Qua cupis, in cælis discere, docente DEO.*

*Ex pió erga Discipulum suum opt. affectu deprop.*

**M. Martinus Leuschner illust.**

*Pædag. Rector.*

---

**H**eu, *Schvvedere*, jaces, Spectatò crete Parente!  
Heu, digne Egregiò Nate Parente, jaces!  
Jure queror, doleoq; tuum per funera casum:  
Mores namq; tuos ingeniumq; fleo.  
Summa tibi pietas cœlo gratissima, summa  
Integritas vitæ, sedulitasq; fuit.  
Lingua in utraq; stylum, formaq; in utraq; polibas,  
Materies à me publica quando data est.  
Privatimq; mei fueras pars optima cœtus,  
Noscere qui *Juris* prima elementa studet.  
Hic mihi lectori dederas cupidissimus aures:  
In *αὐστηρ* gnavus & acer eras.  
Olim (non dubium) Patruí vestigia Clari  
Pressisses, si non invida fata forent.  
Sed Patruò nunc es perfectior atq; Magistris:  
In superà CHRISTUS te docet ipse scholâ.  
Grator Doctorem tibi tantum, ac tale Lyceum.  
I præ. Te sequimur quisq; vocante DEO.

*Sinceri amor. & suprimi honor. caus. f.*

M. Heinr. Kielmannus, Gr. Ling. & Poës Prof. &  
ConR. Ducal. Pædag. Stetin.

---

**Q**uam Te Discipulum nostrum, Svedere, Lyceum  
Fovit, de Te spes hac mihi capta fuit:  
Te fore perfectum brevioris temporis usu;  
In studijs ardor sonica causa fuit.



*Spem confirmavit conceptam Jlustre Lycæum  
Quod peteres, in quò scibile quodq; pater.  
Spes mihi succrevit, magni quòd tecta Crameri  
Incoleres discens, incoleresq; docens.  
Jam perfectus abis, petis & cæleste Lycæum,  
In quò doctus uti fulgida stella micat.*

M. Mart: Bambanius P. L. &  
Sch. Sed. Sen. ConR.

---

AD PIE DEFUNCTUM

*Commilitonem.*

**C**ulmina Virtutis studiò, SCHVEDERE parabas  
Scandere pervigili, cum pietate sacrâ:  
Cœlica sed Divûm placitò cepisse brabæa.  
Non dubitamus: Honor te manet usq; poli.  
Effugis è vivis, quos Mars divexat iniquus,  
Teq; citâ fugiunt fata maligna nece.  
Multorum, fateor, lachrymas tua fata merentur:  
Ast ego de latò gratulor hospitio.

*Joachimus Schamfitch Neob. Megapol.*

---

**P**ax finis bellæst: Sic scripta Politica dicunt:  
Ergò & mors homini Pacis ad instar erit.  
Hac etenim vitam mortalem finit & aufert  
Quæ nil, bella nisi continuata diu.  
Quòd si igitur melior bellò Pax alma cruentò,  
Quis mortem doleat, quæso, SVEDERE tuam?  
Quâ tibi certanti cum mundò & carne malignâ,  
Post varias pugnas, jam modò parva quies.

*Ultimi honoris e. app.*  
Calparus Marchius P. P.



**E**N HENRICE petis Pacem SVEDERE, *sequendo*  
*Lehmannum? linquens noxium in orbe gregem.*  
Cautior es nobis, Arcem qvi scandis Olympi,  
*Quā poteris multis cautior esse malis.*  
Interea ignari, qvæ insunt hinc Fata misellis,  
*Viventes dubio frangimur usq, metu.*

Condolent. causā hoc appon.

*Christianus V. Venerus Neogard. Poin.*

---

**A**ugusti decimā nonā qui luce SVEDERUS  
exiit ē VIVIS, Visit In arCe DeVM.  
Visit in arce Deum. Misera nam tempora vitæ  
finiit in pravd, ceu decet, orbe, pium.  
Propterea gratis illi Regnator olympi  
cœlestis vitæ gaudia vera dedit.  
Molliter in terris nunc, chare SVEDERE, quiesce,  
*longevā vitā qui bene dignus eras.*  
Dignus eras vitā. Nam fervidiore colebas  
curā Musarum, Docte SVEDERE, domus.  
Dignus eras vitā. Nam commoda multa dedisses  
humanæ vitæ sedulitate tuā.

*Sic inopinatum commilitonis sui abitum lugebat*

Samuel Janichius Frideb. Neo-March.

---

DEFUNCTI PROSOPOPOEIA.

**M**UNDE VALE; quamvis valè dicere lingua recuset,  
Attamen hinc aliò lator abire, VALE.  
MUNDE VALE; quamvis me te vidisse juvaret,  
Attamen hinc JESUS me vocat, ergo VALE.  
MUNDE VALE; quamvis mihi te jam linquere durum,  
Attamen hinc capiunt me mage lata, VALE.



MUNDE VALE; quamvis cura cordiq; Parentes,  
Attamen hinc animâ lator abire, VALE.

MUNDE VALE; quamvis juvenem amplectaris amandum,  
Attamen hinc lator, MUNDE VALERE, VALE.

*Condolens talia scribebat*

Erdmannus Rudolphus Stet. Pom.

---

Ultima Defuncti Verba.

**I**mmundum mundum lingvo, mundanaq; sperno.

Et mundò mundum pectore qværo DEUM.

Ille mihi aternâ donabit in arce coronam

Iustitiæ aternæ, qvæ datur, ecce! p̃ys.

Inspiciens etenim mundum, qvòd gloria mundi

Vana sit, experior; terra ero, terra fui.

Idcirco latus jam lata palatia Cœli

Visito, cum mea mors nil nisi vita fiet.

Jam jam terra vale, Patria est mihi magnus Olympus,

Magne DEUS diram dilue, qvæso, lucem.

L. M̃g.

In ultimum Dn. Cognati sui honorem app.

Franciscus Moldenhawer.

---

**Q**uis nostrum, [vitæ quamvis florentis in ævo est,]

Ad noctem num sit vita futura, sciat?

Tam brevis atq; fugax humanæ est linea vitæ,

Ut jaceat lethò, qui modò vivus erat.

Sed benè qui moritur, tecum est HEINRICE beatus:

Cum CHRISTO in cœlis namq; beatus ovas.

*Amicitia & condolentie ergò, faciebat*

Paulus Rangius

Stargard. Pom.

Nescio,



**N**escio, quid patria portendant tristia fata?  
Nescio, quid sibi Mars, morsq; famesq; velint?  
Fallor? an exitium nobis mala multa minantur,  
Et spes amissa nulla salutis adest?

Infestat miles nostras ferus undiq; terras,  
Nec posthac ulli tuta frequensq; via est.

Formidant omnes furiosi militis ensem,  
Et nostras ignis funditus haurit opes.

Exilioq; solum vertunt, ac arva relinquunt  
Agricola, atq; hostis cuncta licere putat.  
O infelices! non uno urgemur ab hoste;

Hinc urget nos Mors, hinc malefunda fames.  
Occidit multos res arcta & turpis egestas;

Sed plures perimunt tela cruenta necis  
Non tantum fessos annis, canamq; senectam.

Interimit, verum & ver juvenile petit.  
Occidit & noster Schvvederus magna Parentum.

Spes, & praepropera morte peremptus obit.  
O praeceptum fatum! ut frustraris vota Parentum;

Artibus excultum dum rapis ante diem.  
Sed non fas nimium saevo indulgere dolori:

Mortem mortalis fallere nemo potest.  
Cum lethum nulli detur vitare, quid obstat?

Num juvenis pereas, vel moriari senex?  
Aeternus Judex vitam, non ponderat annos:

Ille diu vixit, qui bene vixit, homo.  
HENRICUS noster praecepit ad astra, sequemur;

illum, cum cogent nos fera fata, sequi.  
His Henrice vale, vale dilectissime Jove,

Qui te ex arumnis Orbis ad astra tulit.

Ultimo honori Ornatissimi Juvenis scripsi  
Casparus Devotius Paschall. o. Pomeranus.

Cus



**C**ur Tu tam subito, tenerò SCHWEDERE sub ævò,  
Heu! claudis placidà lumina morte tua?  
Cur, inquam, nostri renuis commercia cœtus,  
Nec vitâ exoptas ulteriore frui?  
Verùm Te libris satis incubuisse putabis  
In terris, illos ergo valere jubes.  
Hactenus in doctis sudasti ritè Lycæis,  
Nunc Academiam quæris in axe sacram.  
Expetis in cœlis exactam discere normam  
Juris, ubi Doctor jura sacrata docet.  
Hanc ergo invideo lætam minimè Tibi sortem,  
Sed potius grator gaudia tanta Tibi.

Εὐδοκίου.

*Helni CVs Largos nVnC tVrpIs Deferle orbIs  
LVctVs, & Captat gaVDia Lata poli.*

*Pauca hæc, præmaturâ Cognati sui desideratissimi  
mortem deplorans, fecit  
Fridericus Sellius Julinò Pom.*

**U**t messor fruges in amœnis demetit agris,  
Sic mors jam juvenes demetit atq; senes.  
Non tempus certum aut certam determinat horam,  
Tempore sed dubio mors inopina venit.  
Ecce etenim subito SCHWEDERUS mortuus eben!  
Plorandum sanè, quod cadit ante diem.  
Heu subitos casus & ineluctabile fatum!  
Quam breve vita bonum! vix orimur morimur.  
Complacitum Domino est, ex hoc qui transtulit illum  
Carcere sollicito ad lumina clara poli.  
Mortuus hic equidem mundo videatur: at ipse  
Fivit ibi, & fruitur pace & amore DEI.

*Condolentiz ergò paucula hæc adjecit*

*Nicolaus Wernerus Cösl. Pom.*

**FINIS.**





921116 **Bibliotheca** 105 000  
**P.P. Camaldulensium in Bielany**

Depozyt w Bibliotece Jagiellońskiej



06393

S.VIII.33



